

Na osnovu člana 8. Zakona o ministarskim, vladinim i drugim imenovanjima F BiH („Službene novine F BiH“, broj: 34/03 i 65/13), u vezi sa članom 5. i 6. Zakona o organizaciji penzijskog i invalidskog osiguranja F BiH („Službene novine F BiH“, broj: 49/00, 32/01 i 18/05), a u skladu sa Instrukcijom Federalnog ministarstva rada i socijalne politike, akt broj: 02-02/5-1611/17 od 17.10.2017.godine, Zaključkom Vlade FBiH, V. broj: 935/2017 od 07.07.2017.godine, Odlukom Vlade F BiH o kriterijima za imenovanje članova upravnog odbora Federalnog zavoda za penzijsko i invalidsko osiguranje, V. broj: 934/2017 od 07.07.2017.godine (“Službene novine FBiH”, broj: 53/17), te Zaključkom Vlade Bosansko-podrinjskog kantona Goražde, broj: 03-05-486/17 od 13.04.2017.godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, o b j a v l j u j e :

PONIŠTENJE JAVNOG OGLASA

Poništava se Javni oglas za nominiranje kandidata na poziciju člana u Upravnom odboru Federalnog Zavoda za penzijsko i invalidsko osiguranje, sa područja Bosansko- podrinjskog kantona Goražde, objavljenog u dnevnim novinama „Dnevni avaz“ 16.09.2015.godine, „Službenim novinama FBiH“, broj: 73 od 23.09.2015.godine, na web. stranici Vlade BPK Goražde www.bpkg.gov.ba dana 16.09.2015.godine, te emitovan u programu RTV BPK Goražde 21. i 22.09.2015.godine u terminu pred večernji dnevnik, i raspisuje:

JAVNI OGLAS

za nominiranje kandidata na poziciju člana u Upravnom odboru Federalnog zavoda za penzijsko i invalidsko osiguranje, ispred Vlade Bosansko – podrinjskog kantona Goražde

I Predmet oglasa

Oglašava se pozicija u Upravnom odboru Federalnog zavoda za penzijsko i invalidsko osiguranje:

- Član Upravnog odbora 1 član.

II Opis upražnjene pozicije

Zajedno sa ostalim članovima Upravnog odbora Federalnog zavoda za PIO/MIO vrši sljedeće poslove od značaja za oblast penzijskog i invalidskog osiguranja: donosi Statut i druge opće akte Federalnog zavoda za PIO/MIO; donosi finansijski plan; usvaja godišnji obračun i izvještaj o radu Federalnog zavoda za PIO/MIO; utvrđuje stope doprinosa u okviru zakonskih ovlaštenja iz Zakona o penzijskom i invalidskom osiguranju, u pogledu penzijskog i invalidskog osiguranja uz saglasnost Vlade Federacije; utvrđuje osnovice za obračun i uplatu doprinosa koji nisu propisani Zakonom o doprinosima i Zakonom o penzijskom i invalidskom osiguranju; imenuje i razrješava direktora i zamjenika direktora Središnje i kantonalnih službi; imenuje komisije i druga radna tijela Upravnog odbora; uređuje organizaciju Središnje i kantonalnih službi, sistematizaciju poslova i broj izvršilaca poslova u tim službama; stara se o blagovremenom priticanju sredstava za penzijsko i invalidsko osiguranje; snosi odgovornost za održavanja fiskalnog balansa; ne dozvoljava stvaranje obaveza prema korisnicima, bilo novčanih ili u vidu vrijednosnih papira, koje ne može pokriti iz prihoda; po potrebi zaključuje ugovore sa nosiocima penzijskog i invalidskog osiguranja Republike Srpske; vrši i druge poslove u skladu sa zakonom, statutom i drugim općim aktima Federalnog zavoda za PIO/MIO.

Član Upravnog odbora Federalnog zavoda za penzijsko i invalidsko osiguranje imenuje se na period od 2 (dvije) godine, sa mogućnošću ponovnog imenovanja.

III Opći uslovi za poziciju

Kandidat za imenovanje na navedenu poziciju mora ispunjavati sljedeće opće uslove:

- da je državljanin BiH (dokaz: Uvjerenje o državljanstvu ne starije od šest mjeseci);
- da je stariji od 18 godina (dokaz: Izvod iz matične knjige rođenih);
- da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od 3 (tri) godine prije dana objavljivanja upražnjene pozicije (dokaz: Izjava ovjerena od nadležnog organa ne starija od šest mjeseci);
- da nije obuhvaćen odredbama člana IX.1. Ustava Bosne i Hercegovine (dokaz: Izjava ovjerena od nadležnog organa ne starija od šest mjeseci);
- da nije izabrani stranački zvaničnik, nosilac javne funkcije, savjetnik u smislu Zakona o sukobu interesa u organima vlasti F BiH („Službene novine F BiH“, broj: 70/08), (dokaz: Izjava ovjerena od nadležnog organa ne starija od šest mjeseci) ;

IV Posebni uslovi za poziciju

Pored navedenih općih uslova kandidat mora ispunjavati i sljedeće posebne uslove:

- da posjeduje univerzitetsku diplomu (VII stepen), odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja (dokaz: Diploma o završenoj školi);
- da u pogledu radnog iskustva ima najmanje 5 (pet) godina radnog staža – staža osiguranja na poslovima visoke stručne spreme, po sticanju fakultetske diploma, (Dokaz: Uvjerenje o radnom stažu),

- značajno radno iskustvo u oblasti javnih finansija, posebno u oblasti penzijskog i invalidskog osiguranja (dokaz: potvrda o radnom iskustvu iz oblasti javnih finansija) ;
- da nema privatni finansijski interes u Federalnom zavodu za PIO/MIO za čiji se upravni odbor kandiduje dokaz: Izjava ovjerena od nadležnog organa ne starija od šest mjeseci) ;
- da nije predsjednik ili član nadzornog ili upravnog odbora u drugom pravnom licu sa većinskim državnim kapitalom (dokaz: Izjava ovjerena od nadležnog organa ne starija od šest mjeseci) ;

V Kriteriji prilikom izbora

Prilikom procjene kvalifikacija i iskustva prijavljenih kandidata u obzir će se uzeti i sljedeći kriteriji, koji će se izraziti u bodovima od 1-5, i to:

- rezultati ostvareni u dosadašnjem radu;
- sposobnost upravljanja finansijskim sredstvima i ljudskim resursima;
- sklonost prema timskom radu;
- komunikacijske i organizacijske sposobnosti.

VI

Podnošenje prijava

Kandidat je dužan uz prijavu na javni oglas, koja sadrži kraću biografiju, adresu i kontakt telefon priložiti originalne dokumente ili ovjerene fotokopije dokumenata kojima se dokazuje ispunjavanje opštih i posebnih uslova traženih javnim oglasom.

Javni oglas ostaje otvoren 15 /petnaest / dana od dana posljednjeg objavljivanja_a objaviće se u Službenim novinama FBiH, dnevnom listu „Oslobođenje“, na službenoj web.stranici Vlade BPK-a Goražde: www.bpkg.gov.ba i Oglasnoj ploči BPK-a Goražde .

Prijave sa neophodnom dokumentacijom se dostavljaju u zatvorenoj koverti u kancelariju protokola u zgradi Vlade Bosansko-podrinjskog kantona Goražde ili putem pošte (preporučeno) na sljedeću adresu: **Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde**, Ul. 1. Slavne Višegradske brigade 2a, 73 000 Goražde, sa naznakom:“**Prijava na Javni oglas za nominiranje kandidata na poziciju člana u Upravnom odboru Federalnog zavoda za PIO, ispred Vlade BPK Goražde „NE OTVARAJ“**“.

Neblagovremene i nepotpune prijave neće se uzimati u dalje razmatranje.

Svi kandidati koji budu stavljeni na listu sa užim izborom biće pozvani na intervju pred komisijom za izbor i popuniće obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Kandidati koje nakon intervju predloži Komisija za izbor smatrat će se da su najuspješnije prošli otvorenu konkurenciju. Prijedlog i nominiranje kandidata za člana u predmetnom Upravnom odboru, izvršit će Vlada Bosansko-podrinjskog kantona Goražde na osnovu sastavljene liste povoljno ocijenjenih kandidata. Konačno imenovanje člana Upravnog odbora Federalnog zavoda za PIO/MIO vrši Vlada Federacije BiH.

**MINISTARSTVO ZA SOCIJALNU POLITIKU, ZDRAVSTVO,
RASELJENA LICA I IZBJEGLICE BPK GORAŽDE**